


十



十

外大西洋墨利加洲總叙

烏乎彌利堅國非有雄材梟傑之王也渙散二十七部落渙散數十萬黔首憤於無道之虎狼英吉利同仇一倡不約成城堅壁清野絕其饜道遂走強敵盡復故疆可不謂武乎創開北墨利加者佛蘭西而英夷橫攘之憤逐英夷者彌利堅而佛蘭西助之故彌與佛世比而仇英夷英夷遂不敢報復遠交近攻可不謂智乎二十七部會分東西二路而公舉一大會總攝之匪惟不世及且不四載卽受代一變古今官家之局而人心翕然

可不謂公平議事聽訟選官舉賢皆自下始衆可之衆否否之衆好好之衆惡惡之三占從二舍獨狗同仰在下預議之人亦先由公舉可不謂周乎中國以茶葉大黃歲數百萬濟外夷之命英夷歲以鴉煙歲數千萬竭中國之脂惟彌利堅國鄰南洲金礦充溢故以貨易貨外尙歲運金銀百數十萬以裨中國之弊可不謂富乎富且強不橫凌小國不桀驁中國且遇義憤請效馳驅可不謂諒乎故不悉敵勢不可以行軍不悉夷情不可以籌遠魏源又曰彌利堅與英夷所據皆北洲其南洲之孛露國金加西蠟國至今未踞于西洋亦未通市于中國而金銀則甲四海東不足者西有餘以其所有易所無氣運貿遷烏見失諸此者不可償諸彼乎夫惟有度外之人則能通自古未通之絕域致自古未致之貨弊志外大西洋亦所以志大西洋也彌利堅卽墨利加特譯音之轉其國則爲育奈士迭國士迭者部落育奈者總攝部落西人或譯曰兼攝邦國或譯曰合省國則亦皆非地名故今人相沿呼洲曰墨利加呼國曰彌利堅沿習成真吾亦從而沿之

海國圖志目錄

外大西洋墨利加洲

即彌利堅洲

卷三十八

墨利加洲總說

原無
今補

彌利堅國總記上

原無
今補

彌利堅國總記下

原本

海國圖志卷三十八

外大西洋

北墨利加

邵陽魏源輯

墨利加洲沿革總說

原本無今補

此洲明代始有聞故前史無可考今述沿革自明代西人之書始

職方外紀曰亞墨利加第四大州總名也地分南北中有一峽相連峽南曰南亞墨利加南起墨瓦蠟泥海峽南極出地五十二度北至加納達北極出地十度半西起二百八十六度東至三百五十五度峽北曰北亞墨

利加南起加納達南極出地十度半北至冰海北極出地度數未詳西起一百八十度東盡福島三百六十度地方極廣平分天下之半初西土僅知有亞細亞歐羅巴利未亞三大州於大地全體中止得什三餘什七悉云是海至百年前西國有一大臣名閣龍者素深於格物窮理之學又生平講習行海之法居常自念天主化生天地本爲人生據所傳聞海多於地天主愛人之意恐不其然畢竟三州之外海中尙應有地又慮海外有國聲教不通沉于惡俗更當遠出尋求廣行化誨于是

天主默啓其衷一日行游西海嗅海中氣味忽有省悟謂此非海水之氣乃土地之氣也自此以西必有人煙國土矣因聞諸國王資以舟航糧糗器具貨財且與將卒以防寇盜珍寶以備交易閣龍遂率衆出海展轉數月茫茫無得路旣危險復生疾病從人咸怨欲還閣龍志意堅決只促令前行忽一日舶上望樓中人大聲言有地矣衆其歡喜頌謝天主亟取道前行果至一地初時未敢登岸因土人未嘗航海亦但知有木處不知海外復有人物且彼國之舟向不用帆乍見海舶旣大又

海國圖志卷三十一 外洋
駕風帆迅疾發大砲如雷咸相詫異或疑天神或謂海
怪皆驚竄奔逸莫敢前舟人無計與通偶一女子在近
因遺之美物錦衣金寶裝飾及玩好器具而縱之歸明
日其父母同衆來觀又與之寶貨土人大悅遂款留西
客與地作屋以便往來閣龍命來人一半留彼一半還
報國王致其物產其明年國王又命載百穀百果之種
併攜農師巧匠往教其地人情益喜居數年頗得曲折
然猶滯在一隅其後又有墨利哥者至歐羅巴西南海
尋得赤道以南之大地卽以其名名之故曰南墨利加

數年之後又有一人名哥爾德斯國王仍賜海舶命往
西北尋訪復得大地在赤道以北卽北墨利加其地從
來無馬土人莫識其狀適舟人乘馬登岸彼中人見之
大驚以爲人馬合爲一體疑獸非獸疑人非人但齋兩
種物至一是雞豚食物等云爾若人類則享此一是香
花鳥羽等云爾若天神則享此旣而嘗其食物方明是
人從此往來不絕其中大國與歐羅巴餽遺相通西土
國王亦命教中掌教諸士至彼勸人爲善數十年來相
沿惡俗稍稍更變其國在南墨利加者有亭露有伯西

爾有智加有金加西蠟南北相連處有宇革單加達納
在北墨利加者有墨是可有花地有新拂郎察有拔革
老有農地有寄未利有新亞比俺有加里伏爾尼有西
北諸蠻方其外有諸島總名墨利加島云

貿易通志曰默利加內地自昔荒蕪人迹罕到草木暢
茂禽獸繁殖土人游牧射獵爲生自歐羅巴商舟往彼
墾地通市商民雲集物產殷阜技藝日廣教化日興
每月統紀傳曰亞墨利加南至冰海北至冰海西至大
洋東至大西洋西北度與亞細亞相連只隔峽也南極

出地五十五度五十九分北極出地八十度有餘自此
更南更北因冰如嶽船不能到故不知其度數西出地
偏西一百六十八度一十八分東出地偏西三十四度
五十四分

美理哥合省國志略曰美理哥洲處於極西自古無有
海外之人至此地者直至明代西洋明理之士遙思地
圓如球東西二方未必遂無土地於是有伊大理人名
哥倫布稟其國王求發船以往國王不允復求於葡萄
牙國王亦不允復連稟西班牙雅國王延至八年始蒙許

之以大船一隻小船二隻其百餘人於宏治五年八月初向西啟行二十餘日不見厓岸同舟水手防致絕糧皆欲返棹船督哥倫布再三勸勉後漸見空中有鳥遠有提岸由是用千里鏡而遠眺乍見人烟鼓棹前驅船至傍岸手執小旗禱謝上帝衆皆托足在此過冬明年舟旋返國迨宏治十年復有船主亞美理哥至此久駐故後人卽以其名各此地焉正德年間有歐羅巴人解纜西行先到美理哥洲而後過亞細亞之中華之印度又過利未亞以還歐羅巴亦有解纜東行先過利未亞

再過印度過中華而後西至美理哥洲以返歐羅巴可知自西而東自東而西皆圍圓如球明矣初有葡萄牙人名嘉奴者稟請發船五隻東行旋繞至西圍地而返返之日王賜以銀鑄小地球上刻字云始圍地而旋者其嘉奴乎今則海道益習洋船自東往西或由西返東圍地而返計不過八九月之間卽可周行全地皆前人開創之功也美理哥地又分南北二方廣闊相似中有狹地相連南北二方所屬各有數國北方之極處則屬英吉利鄂羅斯二國但其腹地則爲美理哥兼攝邦國

焉有美理哥合省國全圖惜未之見

彌利堅即美里哥國總記上

案志例當先原本次重輯惟美理哥志出其本國實較原志尤提綱挈領故先之

每月統紀傳曰北亞米利加兼攝列邦遼闊共有二十六部又別有邊地四部共廣二百四十萬正方里大清國共三百八十六萬正方里乾隆五十四年烟戶冊共三百九十二萬丁嘉慶四年五百三十萬丁嘉慶十四年七百二十三萬丁嘉慶二十四年九百六十三萬丁道光十年一千二百八十五萬丁由是觀之其人煙稠

密戶口繁滋年增月累設連年如此加益數百年後其民繁多過今大國也其國城共二百八十九康熙四十年所產之物賣與外國共價銀一百五十萬圓乾隆五十四年二千萬圓嘉慶四年七千九百萬圓嘉慶二十二年九千三百二十八萬圓道光五年九千九百五十三萬圓道光十年七千三百八十四萬圓道光十一年八千一百三十一萬圓進口貨價自康熙四十年共銀一百七十萬圓乾隆三十四年九百四十萬圓道光元年六千二百五十八萬圓道光七年七千四百四十九

萬圓道光十一年一萬三百一十九萬圓每年產物及製造貨件共銀一萬五千萬圓可觀其國豐盛矣其國帑出入乾隆五十五年入一千二十一萬圓出銀七百二十萬圓嘉慶十四年入一千四百四十三萬圓出一千三百六十萬圓道光九年入二千四百七十六萬圓出銀二千五百七萬圓道光十年入二千四百八十四萬圓出銀二千四百五十八萬圓故此輸用出入皆制有餘道光九年國帑項內尚存銀五百六十六萬乾隆五十四年拖欠銀七千五百一十六萬九千九百七十

四圓今已償清可用其餘懇荒地開運河保障封疆也
國之弁兵共萬二千丁壯民百二十六萬丁巨艦戰十
二隻中兵船十七隻小兵船十六隻小舟七隻

海錄咩里干國在英吉利西山散爹里西少北行約二

月由英吉利西行約旬日可到亦海中孤島也疆域稍

狹原為英吉利所分封今自為一國風俗與英吉利同

即來廣東之花旗也

案咩里干即彌利堅之音博故言即廣東之花旗以然洲言則其地數萬里豈得謂之孤島以國言則二十七部落富強為英夷勁敵豈得謂之疆域稍狹蓋謝清高但至歐羅巴洲未至彌利堅洲故傳聞不確不詳土產金銀銅鐵鉛錫白鐵玻璃沙藤

洋參鼻烟牙蘭米洋酒哆囉絨羽紗嗶嘰其國出入多

用火船船內外俱用輪軸中置火盆火盛冲輪輪轉撥

水無煩人力而船行自駛其製巧妙莫可得窺小西洋

諸國近亦多效之

美理哥合省國志畧曰圍地周圍三百六十度以天測

地則美理哥地屬七十餘度中國亦屬七十餘度若以

南北圍地而計周圍亦三百六十度內三十餘度屬美

理哥國三十餘度屬中國中國之京城與北極相去不

過五十度而美理哥國之都城與北極相去亦不過五

十二度所以美理哥國之北甚寒而中國之北亦然自赤道至中國之南相去不過二十度而美理哥之南至赤道亦不過相去二十九度中國之東有大洋而美理哥之東亦然可知二地東南西北皆無異惟中國之西皆列國為交界而美理哥西則茫茫無際焉美理哥北有英吉利附庸之國南有墨息哥國

案墨息哥即墨西哥科亦作墨是也東有壓瀾的海西有太平海然以普天下分為二十一分而兼攝邦國僅屬一分矣原夫創國之始即有伊大里法蘭西西班雅英吉利荷蘭等國人迢遞而至貿易至

今不過三四百年外國至者亦年來年返後見其無國主民散俗樸無不欲奪其土地適值年荒民多就食於別國勢益渙散各國遂加之以師旅新國不能自立迨明萬歷年間有英吉利人稟其女主請開新國遂創費治彌亞之地及占士王遂建城令七人管治內一人為首六人助之大小文武官吏任其選用以王名名之曰占士城其後泰昌年間英吉利王嚴諭庶民奉上帝者畫一同歸波羅士特教不得任意奉額加教加特力教違者加刑由是國人願請徙居新國者二三百人蓋奉

加特力教欲隨意事上帝也初至北方玳理某之地即以此名新洲後又名之曰新英吉利時有土人頭目名馬沙雪厚待英吉利人爲之地主其後分茅列部有馬沙諸些部蓋爲此頭目而名也自泰昌天啟間英人到新國者三千餘人因人衆始分居新韓賽羅底島緬部等地惟總名則曰新英吉利矣前英吉利人至新方者特欲得隨意奉教故一至後即起殿堂以事上帝設官職立學校萬歷年間有荷蘭人至新方之南方名其地曰新荷蘭其後康熙三年英吉利人逐荷蘭改其地名

曰新約基崇禎年間新荷蘭之南有瑞典人居此名之曰新遮些其南亦有瑞典人居其地稱曰底拉華既而皆爲荷蘭人奪之英吉利又逐新荷蘭而盡有其地康熙二十年間有英吉利人衛廉邊者其父前爲水師帥禽賊極多王賜以金不受求賜一新地於是王授以印信而往名其地曰邊西耳文也

邊者姓也西耳文者野地也謂邊姓之野地也

崇禎五年有英吉利人稟女王欲居新國之極南遂名

其地曰馬理蘭

馬理者后也蘭者地也謂王后所賜地也

順治五年有英吉

利人至新方費治彌亞之南稱其地曰駕羅連內又分

南北二都自萬歷年間始有費治彌亞部及雍正十年始有磋治亞部越百數十年後漸次而有十三部也

其一

費治彌亞其二馬沙諸些其三羅底島其四新韓賽其五千尼底吉其六新約基其七新遮些其八底拉華其九邊西耳文十馬理蘭十一南駕羅連十二北駕羅連十三磋治亞

十三省人口其約百

數十萬各部首領皆由英吉利國除授而以英吉利國例治之維時有法蘭西國人亦開墾新地之北名爲新法蘭西後亦名干那大於是漸次自北而西而南皆有民居建砲臺意以防虞新英吉利人也由是英吉利鎮守費治彌亞之總制修書於法蘭西之將軍令毋庸多

設砲臺法蘭西將軍不允其往來傳信者則本地人華盛頓也於是總制傳檄鄰部並奏於王於康熙二十年王遣大將率兵船數十軍兵數千至費治彌亞交戰三載勝負未分迨二十四年法蘭西之大將曰滿鑒英吉利大將曰吳里富對壘於貴壁兩將皆受砲傷回營皆死旋英吉利取勝於是逐客民毀砲臺奪其土爲附庸於康熙二十五年班師回國此英吉利初據美理哥地之原始也自康熙二十五年干戈旣息又數十載至乾隆間齒日繁田日闢貿易日盛英吉利王之心日侈遂

欲加重稅餉屢與人勒爭時英吉利有公司商船自中國販茶回西國例賣貨者納稅英吉利王改諭令買茶者納之士人不服於是南駕羅連部則相約不買公司之茶囤積二三年變爲廢物費治彌亞與新約基之茶船皆被驅逐不許進口而波士頓之茶夜爲土人投諸海於是新國人互相傳約英國若征買稅者我國一人亦不許買英吉利王大怒遣兵至新國將別項餉稅皆強勒倍收民死不肯從時乾隆三十九年新國各部衆衿耆至費治彌亞會議欲客民與土民仍前和好復其

舊制收回新令於是稟王請不加征稅餉并撤兵回國英吉利王不聽反增兵艘入境掠貨船焚垣壁國人弗忍其虐如是衿耆復議密約各部落皆出壯丁整戰艦立華盛頓爲帥於乾隆四十一年七月初四日檄告各國曰上帝生民萬族同體各界性命使安其分又恐民之強凌虐衆虐寡蠢頑之無教故又立國主以範圍之扶植之非使其腴削之也我國舊無渠長及英吉利來王我地臣我民我民亦懽然而奉之曰庶覆壽我乎庶不災癘我乎然其政非甚有害則民尚可忍而不變乃

英吉利王之凌虐我國一而再再而三我衆亦忍至經年屢月而英吉利王終無悛悔其勢不可再坐視矣故不得不議立首領備兵甲以自扶傾而救危至英吉利王凌虐我國之事各國或不盡知今條列十二端告白天下知變動非我之罪

一舊例增改律例須與國中衿耆合議從民之願乃英吉利王徑改新例不與衿耆相議及新例不便再三稟改不允所請

一每歲各部衿耆來集會城欲至議事廳商酌一切英

吉利王乃驅逐之既逐散後不許復聚商議

一土曠人稀原望歐羅巴各國人至庶農商日盛乃英吉利王禁止各國之人入境不欲戶口日繁惟英人獨擅其地

一舊例本處理刑官或先由衿耆選舉或先由王擇定再采公議茲英吉利王自專不令衿耆預聞

一舊例各部文武官各有定額俸祿皆出自民乃英吉利王擅加官額派民供給不與衿耆同商

一舊例各省弁兵亦有定數糧餉亦出自民茲英吉利

王擅自增設調派糧餉亦不商之衿者

一舊例文武員弁或本土或外人不定有事必文武同議英吉利王不然武員則必專用蘭墩人有事不與文員商議惟武員擅權任武而不任文

一英吉利王刻剝錢糧多於前制禁停貿易大異常規民之所欲必違之民之所患必興之專以厲下而奉上刻他國之人以私己國之人

一英吉利王所調各水路巡兵惟有劫掠貨船及毀折城池縱焚房屋奉此爲王與奉寇仇何異

一英吉利王使弁兵常居民舍以便時行欺侮

一被劫之良民勒令從其爲賊往劫別艘如有不從行加害

一英吉利大官諭唆各部使自紛爭並唆土蠻使害居民使各不相安

以上各事我國衿耆屢諫而英吉利王不聽國人無如之何不得不自創立邦國新國旣立英吉利王亦其如我何

英吉利王見檄知十三部合爲一國益怒復增兵船入

境新國拒戰經年勝負未分又得法蘭西國人出兵相助于是彼此鏖戰六七年之久時三國戰艦百十艘將士數十萬陣亡者固不勝數乾隆四十九年英吉利王知新國終不可勝乃遣大臣來西講和結盟罷兵國中矜耆議曰我國兵之皆民也今既相和則衆兵盡散棄甲歸農法蘭西兵船亦返華盛頓亦歸田里矣倘英國再敗盟興師何以備之且國中有訟獄誰爲處斷必立君長定法制乃可久安長治立君而繼嗣不賢或至暴虐國亦終亂將何以善後于是乾隆五十三年春各省

矜耆會議于費治彌亞其推華盛頓爲首身後公舉賢者更代不世及不久任議四月畢及散歸各執所議章程同告部內之人再議一年復至費治彌亞再議然後定並公舉文武各員其戰陣所費公項尙缺二十餘萬以每年所收餉之漸次償補乾隆五十九年計新國之民不過三百九十二萬一千三百二十五口內爲奴者六十九萬五千六百五十五口是年其征收餉銀四百七十七萬一千員時尙無都城矜耆共議欲買費治彌亞與馬理蘭交界之頗多麥河周圍三十五里以築都

城其河口至城之地約有百餘里由是國內規模律例已備乃立與鄰國相通之制以絕後世邊釁令民視四海如一家視異國同一體遇列國紛爭勸和為尚此與歐羅巴內法蘭西荷蘭瑞典英吉利葡萄牙亞西班牙鄂羅斯大尼阿理曼等國及亞非利加洲內麻哥安遮耳都尼士等國亞細亞內都耳基即都魯機阿黎米白頭暹羅等國相通各國皆有使至獨大清粵東則無惟有貿易領事商人來往而已此新國建立之本始也

國制首領之位以四年為限華盛頓在位二次始末八

年傳與阿丹士時歐羅巴內有法蘭西國奪新國貨船

新國遂設艦艖兵士復請華盛頓為帥二年然後專靖

嘉慶五年華盛頓卒國人呼之曰國父以其有大勳勞

於國故也按康熙二十年英吉利與佛蘭西爭議時已稱華盛頓往來其間彼時年至少亦必二十

外至乾隆四十年新國起兵拒英吉利時華盛頓為帥已相距百二十餘歲矣若嘉慶五年始卒則百四十餘

歲矣蓋二人同名非一人也嘉慶六年間阿丹士在位四年傳與遮

費遜其時戶口有五百三十一萬九千七百六十二丁

遮費遜在位八年遂傳與馬底遜迨至嘉慶十七年歐

羅巴內列國干戈未息時英吉利梢人不足用乃捉新

國船上梢人以補之於是兩國復相鬥二年後始靖嘉慶二十二年馬底遜在位八年傳與滿羅滿羅在位八年傳與阿丹士之子阿丹士之子在位四年傳與查其遜計至道光十七年春正月二十八日彼國則三月初四日也則

在位八年今又傳位與泛標倫矣立首領設國法之時止有十三部見第三章至乾隆五十六年增華滿部五十七

年建大基部嘉慶元年增典尼西部七年增呵嘻阿部十九年增累斯安部二十年增引底安部二十一年增美士細比部二十二年增伊理奈部二十三年增亞喇

罷麻部二十四年增緬部二十五年增美蘇里部道光十六年增美是干及阿干蘇部通計二十六部戶口約

有千三百餘萬矣

部落之名即本書中亦多不同本無定字

新國中原無亞細亞內中華日本暹羅越南各國人至惟有歐羅巴內伊大理法蘭西荷蘭英吉利西班牙瑞典等國之人而已各國亦不過年來年返其久同處者惟英吉利為多故新國人物規模體制皆不異於英吉利其後法蘭西荷蘭等國三五成羣而居由是新國戶口日盛一日康熙二十八年約有二十萬丁乾隆二十

一年約百萬丁乾隆四十年約三百萬丁乾隆五十五年計三百九十二萬一千三百二十八丁

前未設計戶戶之法故舉

大數而言至此而始嘉慶五年五百三十一萬六千五

百七十七丁嘉慶十五年七百二十三萬九千九百零

三丁嘉慶二十五年九百六十三萬八千一百八十一

丁道光十年一千二百八十六萬六千九百二十丁

內為

奴者約生齒雖日繁終未憂人稠地隘中華已過三萬

萬况合省之未過一千三百萬者乎近見英吉利國著

書稱美利哥國原是英吉利罪人充軍至此所衍苗裔

其言荒謬無稽之甚不過英吉利人遷於喬木矣惟其

風教技藝實賴歐羅巴人始開耳

按英吉利禁奉加特力教之人故加特教

中二百餘人遷往新地而英吉利因造為罪人流謫之

說以詆彌爾利堅人其實彌爾利堅國豈盡此二百餘人之裔即此二百餘人亦因不肯故教而遷他國並非謫戍罪人也

新國地勢其列為三分東離壓澗的海數十里有亞罷

拉既俺山由南而北其景如畫白山抵海是為一分西

離太平洋海數百里又有治臂外嶺由北而南其形如線

從嶺抵亞罷拉山亦為一分自治臂外嶺至西之太平

海復又為一分所謂三分也由亞罷拉既俺山之東北

轉而往南沿海而行漸次廣大其東北角山海相連毫無餘地東南則有平陽山河相間山頂有瀑布由基泥伯小河下流爲美里麥河干尼底河哈地遜河底拉華河蘇貴合拿河頗多麥河羅晏屋河奴細比底河卸番亞河其西之治臂外山高約百丈與太平海相隔約千五百餘里凡流注於太平海者無不經過此山中有一美斯細比大河由北而貫至南且有美蘇里河呵噶呵河山墨息哥國海口其北則有素比里耳湖美是干湖胡瓏湖伊里湖安大里珂湖磁治湖汕玳璉湖南北寒

暑不同北方甚寒愈南愈暑由南而北熱亦漸減田地亦然北地可以依時而耕南地近水時患潦淤北邊界與北極相去不過三十五度若在北極至國之南界則相去六十五度在國之南界至南之中赤道則相去二十五度可知國內之地三十度無疑矣以三十度列爲三分而近北極之一分每歲中有四五月盡是冰雪中夾一分每歲雪霜漸少近南方之一分陽和晴暖時須納涼一年之四時不同每月之寒暑亦異故萬物之生產自不齊其大畧也欲知土地之美惡必先知寒暑風

雨之候故設一寒暑針用年月日較之則可知其寒暑
欲知風信必須以年月日紀之方可知其大畧如馬沙
諸些部之波士頓城每年有北風三十日西風四十九
日西北風六十四日東北風四十三日東風三十二日
東南風十六日南風三十七日西南風八十八日在華
盛頓城北風五十六日西北風八十七日東北風三十
五日東風十六日東南風二十四日南風四十日西南
風五十五日西風五十六日在累斯安部之巴頓而礫
城十一月內北風則三十九日西風七日東北風十一
日東風五十九日東南風十六日南風七十一日西南
風十五日西風一百四十六日土地美惡亦可知矣欲
知雨之多少須在上年每月日紀天之星辰雲霧考驗
知之在馬沙諸些省波士頓城每年約有二百二十四
日天晴八十四日興雲三十五日下雨二十二日降雪
在華盛頓城每年天晴二百二十二日興雲五十八日
下雨七十二日降雪十三日在累斯安之巴頓而礫城
十一月內天晴百六十二日興雲七十六日下雨九十
七日降雪則無

世間日用之物無不從地產而至要者則莫如金銀銅鐵等新國之金石有數類惟亞罷拉既俺嶺並治臂外嶺則青赤白等石俱有建屋填街築堤疊砌無所不宜至石中生者則金銀鉛銅鐵錫之類金則甚少邇來始知亞罷拉既俺山之東北駕羅連南駕羅連磔治亞典尼西亞刺罷麻等部皆有之計道光四年所取之金估價銀不過五千員五年則一萬七千員六年二萬員七年二萬一千員八年四萬六千員九年十四萬員十年四十萬六千員十一年五十二萬員十二年六十七萬

八千員十三年八十六萬八百員十四年八十九萬八千員銀與銅及水銀則或有或無鐵則各處繁多不勝用惟錫及各項珍寶甚稀煤炭則邊西耳文等部長而且多其始地曠人稀樹木叢茂故人只取木而不必取煤今則烟戶漸繁日盛一日而樹木亦不減於前煤炭則愈多於昔可永無乏用之憂鹽則三面煮海且有山中鹽海子及鹵石亦可爲鹽更有一山其水可作藥中有油氣竟可燃燈焚物故土此乃產物之異者也凡金銀鉛銅鐵煤炭皆中華例禁不許人取惟西國人人准

取鹽亦然樹木約有百三十餘種高者約有三丈餘而
至高者則莫如椽木間有八九丈者以之作船作柱甚
美其木則有四十四樣次則核桃亦有十樣摘其子爲
果代其木爲薪次則楓樹高而且茂其汁甘甜可以煎
糖每年約有糖數千担美蘇里部內有一枝最大者身
圍四丈六尺次則樺樹大壯觀瞻多用其皮以作箱籃
或代瓦蓋屋作舫渡河土人用作小舟輕捷異常去則
背負至水回則背負歸家渡河既迅於別船行路且易
於攜帶取其輕便也又有蠶桑以爲綢緞其餘飛潛動

植他國所有之新國皆有之

開國之初無知無識不諳工作之事然有人力而無物
本固不能成器卽有人力物本而無知識亦終難成器
必三者兼備物始成焉卽如中華之綢緞旣有人力物
本又有知識何怪其綢緞之精美乎如中華之匹頭已
有人力知識獨無物本亦何怪其疋頭之不成乎獨無
知識而不能成器如中華之時辰標雖有人力物本亦
何所用乎如有物本而無知識則可延他國知識者以
教習或有知識而無物本亦可往別國運載或有知識

物本而無人力當以物力代之如水力火力獸力是矣昔新國之南方棉花稀少甚難清潔因一車一機及一人紡織之故紡織之人既寡故棉價最高迄嘉慶二十年間國人知識日廣每地置車數十架不用人力而以水力運行紡數十車之花以一女兒監之而已至織布亦然每地置機數十張不用人力而以水力旋繞數十機之布亦惟一小女督工而已故今之棉布日增卽知識日廣之故茲有一紡織所內有紡花車萬五千架每日能織布四千丈共計八百人男一百女七百一女每

月工銀十二元至二十一元不等內一總管理所有出入之買賣其工銀每年三千元別有一人總理八百人之事者其工銀每年二千元至商主所贏之息則十之一已舉此紡織所則知棉花價不致高昂矣乾隆五十五年以前每年棉花從未有三萬八千斤者至道光五年間每年多至二萬七千萬斤估價銀二千七百萬圓畱五分之一在本國自用餘皆販賣別國自道光六年間至今棉花日增比之二十年前之價則已減三分之二然今之爲商者得利反重於二十年前是以織布日多

初棉花未盛之時則有苧蘿布以代之後棉花日增苧蘿日減至大小呢所由成本出羊毛故牧羊者不沙每年春季必剪其毛而售賣厥年價高必多養其子以剪其毛若厥年價少則必多宰其羊以市其肉然究其源始自英吉利運來其後國人習爲之但不如英吉利之巧故土人不買本國之呢及傳至今則用水力爲之故益巧而益多並流販於別國一家之內亦有用人力爲之者留以自用其水力爲者則賣與人也玻璃料雖同而制有異如千里鏡與玻璃確眼鏡與窗門是也若磁

器國內雖有其泥惟不能制如中華之巧今始畧有焉書板則極多蓋不用刊板而用鉛字活擺板也故用鑄字制紙印書三人甚多至所賣之帽亦不少每年所賣約千有三百萬員之多鞋亦然

美理哥出外爲商者其始極少今已蕃盛至乾隆五十五年共計出外爲商本利銀一千九百萬員至嘉慶元年則六千七百萬員矣其貨物不過魚油獸皮牛羊豬馬煙棉花五穀等類工作則有鐵器磁器木器而已若在本國運出關稅固少卽在外國販回餉亦無多然在

本國交易者不過南方數國在歐羅巴洲內則有英吉利法蘭西荷蘭葡萄牙西班牙雅破魯斯瑞典鄂羅斯等國在亞非利加洲內則有埃及多國在亞細亞洲內則有都耳基回回印度葛刺巴小呂宋暹羅 大清等

國究其初至

大清則在乾隆四十八年始由此日

盛一日道光十四年本國入口船五千六百二十八隻外國入口船三千九百五十三隻本國出口船五千八百八十六隻外國出口船四千零三隻但非同至一港各處皆有各貨船每年增減皆有冊報道光十三年一

千一百八十八隻內大船六十五隻所來之貨道光十四年變價銀約二百餘萬山中之物變價銀約四百四十餘萬屠宰牲口變價銀約有三百餘萬農圃之物變價銀約八百餘萬棉花變價約五千餘萬烟變價約六百五十餘萬工作之器變價約七百餘萬共計變價銀約一萬萬餘皆出口之貨也惟棉花爲最道光十五年售出百三十六萬六千五百九十九包十六年百六十三萬六千五百五十九包每包約價銀七十員其銀萬有一千四百五十五萬九千一百三十員上年每包約

六十五員本年價稍昂以二年相比則十六年多於十五年二十七萬包俱在外運回之貨約銀一萬二千五百餘萬員首領最喜貿易日繁故有數款貨物出入關口毋庸稅餉者

美理哥國有郡城之官有各部落之官各部落內一首領一副領議擬人員無定數公選議事者或十餘人或數十人無定各省設一公堂爲首領副領及士人議事之所事無大小必須各官合議然後准行卽不咸允亦須十人中有六人合意然後可行本省之官由本省之

民選擇公舉都城內有一統領爲主一副領爲佐正副統領亦由各人選擇每省擇二人至都城合爲議事閣又選幾人合爲選議處統領每年收各省餉項除支貯庫不得濫用外每年定例享祿二萬五千圓若非三五歲以上及不在本地生者皆不能任此職例以四年爲一任期滿別選如無賢可代者公舉復任若四年未滿或己身沒或自解任則以副統領當之副統領不願則推議事閣之首若亦不願則以選議處之首護理設終無人願當此職則吏政府移文於各部首領遍示士

民速舉焉統領三職文武官皆聽其號令若遣使於鄰邦或迎使別國皆統領主之副統領亦由民選舉亦四年一任享祿每年五千圓所司無事不過推爲議事閣之首而已至議事閣與選議處皆以每年十二月內之初禮拜一日齊集都城公所會議議事閣之職每部有二人計二十六部只五十二人選議處共二百四十三人以議事閣五十二人分爲三等以二年爲期各等輪流而退復擇新者是以每等以六年爲一任不過或先或後而已又定例年未及三十以上者不能當此職議

事處則以二十五歲以上爲例二年爲一任期滿別選以十二月初禮拜一之日齊集會議凡國中農務工作兵丁貿易賞罰刑法來往賓使修築基橋等例皆此時議定吏政府首領每年俸六千員亦有左右輔佐者幾人戶政府如之兵政府之首則有幾百人以助之廉俸亦如戶部等別有水師兵部惟專理兵船亦有輔佐數十人每年廉俸亦如是禮政府不過數人輔之每年廉俸四千圓驛政府總理各部落來往文書設驛於各部衝要之處如有書札寄某處則以路之遠近計程費之

多寡其銀以每四季包封送驛工食銀亦由驛政府發給政府廉俸每年亦六千圓國之大政有三一則會議制例二則徧示諭人格遵三則究問不遵守之故是以國都有一察院院內共七人以每年正月齊集究人因何不遵法律之故審畢或二三月然後回家且在各部分設七院每年以四季齊集究問不恪守例者但爲審官則不能會議制例會議制例官亦不能兼攝審問也新國制例有五一曰國例爲二十六部所通行二曰部落例各部不同惟各守其本部之例而已三曰府例每府亦不同惟生於斯者守於斯焉四曰縣例各縣自立其規各民自遵其制五曰司例亦由司自立惟所屬者遵之此五例中又小不能犯大如司則不得犯縣例焉國例乃都城議事閣會議分發各部今將各大典悉列於左

- 一歲征糧餉所有動支各項皆於餉內撥發
- 一國幣不敷必會議預爲籌辦免致臨時拮据
- 一宜與各國貿易各部交通卽本土蠻人皆同一體
- 一流民准其寄居入籍以免失所流離

一設局鑄銀務權衡輕重多寡以歸畫一並嚴禁偽造番銀

一設驛傳遞公文書信時常修築橋路以便往來

一教人習學六藝如六藝中有能超眾者則分別予以獎賞並能於各器用中自創新制開前人所未及爲今人所樂效者亦獎賞之

一在各部立察院以審判民間之事或三部立一或

二部立一視部分之大小酌議

一宜防海賊剿劫如有捕獲無論本國外邦必照例

治罪或有謀反叛逆及在外國滋事尤必照例嚴辦

一如遭外國欺凌統領必先曉諭萬民倘未便請和致有干戈之變務必踴躍向前若兩相盟會即可

戢兵

一以錢糧招民爲陸路水路之兵必嚴核其技勇

一水陸兵士務遵約束不得騷擾

一國有大兵國民皆必踴躍助力凡民肯爲國出力者卽議給口糧

一宜專設法以治都城與治各外部不同

前例十四條如有不遵者則設法以引導之除此
例外首領亦不能胡爲雖有賢德及富貴之人皆
不得以虛爵御封贈大小文武不得受絲毫賄賂
如統領遇饋送當受者亦必商之議事閣及選議
處使大小文武皆得倣此而行國人宜以律例爲
重不徒以統領爲尊此外則由各省文武自立例
款以約束其民但不得以部例犯國例卽各府文
武其日其立例以治乃使經權常變各得因地制

宜惟亦不能以府例犯部例耳下至縣司一體辦
理

立一國之首曰統領其權如國王立各部之首曰首領
其權如中國督撫一部中復分中部落若干如知府再
分小部落若干如知縣其國都內立六政府如六部尙
書惟無工部而有驛部凡公選公舉之權不由上而由
下通國水陸兵事則推統領爲主兵有不遵者懲之以
威都中六政府之首必推統領選擇副者則由正者擇
焉設有升調革降皆請命於統領給文蓋印然後在任

國內刑獄事如察院審判不公統領亦可更正之設與外國相爭外邦求和統領必會議而後定計或外國使來或本國使往皆統領所理也每年各省官會議之際統領將一年收支各項言行各事出示於衆並本年未行各事亦示之於各部官若各部官散後復有要事或與例不符統領不能決者則出示召各官復至議焉所有條例統領必先自遵行如例所禁統領亦斷不敢犯之無異於庶民而後能爲庶民所服至各部落亦有例其首領初立例時亦如統領自誓卽部內各事亦如統

領國內之事府州縣司皆倣此惟部府州道阻且長居縣者或艱於往返故如有事會議亦爲商之於縣也議事人例非二十一歲以上不得預常例以三四月爲期如有要事則無論何月每年議事多少幾次亦無定數前期縣官示諭某日某所公議何事至期耆老通知於衆各將所欲公舉之人寫名紙上置甌內後開甌以人多公舉者爲之選官選人之時領事人亦先質於衆或有人起對請領事自行裁奪則領事再語於衆曰如衆中有欲吾選者則舉手爲號如舉手過半者則可如未

過半則不可又如都中府中州中有要事會議則各縣各應選人赴會領事則謂衆云今選人往城會議當令何人往衆亦將保薦之人錄名紙上置甌啟甌如前例凡縣官之職一則以選人爲首所有縣內一切諸事皆必盡知卽非其所管者亦必周知二則在縣內收餉必悉知縣內人丁多寡何人有田若干何人有地有屋若干三則總理縣主一年收支各數言行各事登錄存檔不能苟且漏入漏出其外則有總理揭借拋欠偷竊捕盜濟貧等數人如非常任事者則別治生業如常任事

者則各有俸祿

國中察院有三管理都城者曰京察院管理二三部落者曰巡按察院管理一部半部者曰分巡察院在都城者衙門共七人一正六副每年正月齊集會審各案一次如有因事不至者四人亦可審不及四人不能審都城之內若有不遵例者亦京察院審之若巡按察院事不正任其轉告於京察院巡按察院衙門有七其一管緬新韓賽馬沙諸些羅底島四部其二管干尼底吉華滿二部及新約基之南半部其三管新遮些部及邊

西耳文之東半部其四管馬理蘭底拉華二部其五管北駕羅連及費治彌亞之東半部其六管南駕羅連薩治亞二部其七管建大基典尼西呵嘻阿三部惟亞刺罷麻累斯安美士細比美蘇理伊理奈引底安美是干新約基之北邊西耳文之西費治彌亞之西等部人數無幾故以分巡察院兼理之惟每巡按察院審事時如無京察院在則不能審若有要事則必有二巡按而後可又每年齊集二次審判如此數部內有人在他巡按察院所屬地犯法則即由巡按察院審之至分巡察院

衙門共三十有三每院內一巡分察院每年審事四次若有要事則無定次倘審不公亦可轉告於巡按察院此皆國察院也其外又有數部察院部內犯法則部察院審之府州亦如是凡察院內有各科房各工役以聽差遣凡原告被告有愚蠢者則有人代爲書狀並同上堂代訴人犯既齊察院兼擇本地衿耆以助審衿耆少則十二人多則二十四人除本犯之親友兄弟外既先知有此事者亦不能預既審後出而會議遂定曲直衆衿耆將情由寫明送呈察院而退察院觀其是非照例

定罪每縣中亦有地保幾人勸和小事國內立一律例院有室數十餘間每間有一師掌教凡進院習讀者以三年爲滿皆訓告規條律例使人知遵守

國中犯法大者爲反叛殺人強劫放火立國以來告反叛者未之有也殺人則每年多少不定強劫每年終不能無放火則二十六部中每年不過五六次其強奸每年亦有二三次情奸亦時有之其餘或冒名偽造或竊盜爲非或相鬥相爭或醉後逞凶今以馬沙諸些一部言之其犯法監禁者道光元年則有七十一人二年則

八十四人三年則九十一人四年則一百零七人五年則八十六人六年則九十六人七年則八十一人八年則八十八人九年則百零四人十年則七十九人十一年則百有十五人十二年則七十一人十三年則七十六人十四年則百有十九人是年內竊盜者八十八人冒名偽造者十八人強劫者四人放火者一人爭鬪者五人情奸者六人強奸者二人脫逃復捕獲者一人殺人者二人以上各年監犯以十四年截計除審後放出監外尙存二百七十七人刑法則有三一絞死二則監禁三

則罰贖並無梟首充軍拷打等刑凡反叛海盜皆絞死
殺人強奸強劫放火等如之或永監禁焉其餘或監禁
或罰金隨情輕重各省各府皆有監獄監內左右上下
皆用大石爲之或數人一房或一人一房皆極潔淨亦
有小窗通風房外四圍有欄杆餘地可以散步管監官
體恤其衣食勸戒以善言約束以事業今計道光十五
年馬沙些監內犯人所作工銀除管監官教師並看門
兵丁等工食並各犯衣食所用外尙存銀七千二百九
十六圓盡撥充公

新國之濟貧也未貧預防其貧既貧則防其愈貧如其
防火燬則多以磚石疊築並設水車水筒以備不虞防
電閃傾頽則立一長鐵杆於門以拒之電見鐵杆卽自
頂旋繞至杆下而去若防水患堅築基圍倘慮賊狂設
兵巡海若賭博閒遊則推誠告誡或不意無備忽墮貧
苦而同宗親友等不能濟不肯濟則本縣捐費以濟之
亦有將貧人收用作工者倘無人肯收用則本縣設濟
貧院以居之各分以事業所得之項全數入縣官倘生
子女本縣卽延師教之府省亦然至會城村族不許有

一丐食流離之人然非先立一濟貧之法又安能禁人之乞食乎凡有國者所宜留意也

每鄉設學館一所鄉中富者科銀延師教一鄉子弟若鄉中無富者則在會城中官員處借助其就學之童每夕回家男女皆可以爲師若女師束修銀每月不過六員至十員教女童讀書外並教刺繡男師則二三十員不等亦有專教一家者又有縣中學館有無多少不定惟鄉學館不拘貧富縣學館無束修者不可入因以此項延師故也其館本處人稟縣官而後建或縣官公同

建造者亦有之其中所學北之鄉學又畧大更有會城中學館多少無定城中富者建之或設會而以會項建之或官員助之館中條律擇幾人議之並司其事然後遍告同學學者每年考一場爲例至期司事齊集伺候考試得中者入館內習四年不得中者再回肄業明年復考如中華之秀士焉在內習學者以四年爲例不遵律戒不待四年亦可以逐之既習四年則如中國之舉人矣散館後或爲官爲士爲農爲工爲商而各司其事別有大學館惟許已中舉者進焉所學有三一聖文二

醫治三國中律例規條二者不可兼得又以三年爲期期滿則猶中國之進士矣會城學館每部一二所不等三四所不等惟通部者通融計筭約八九十所每所延師五位至三十位不等截長補短每所約十位其師每年束修銀一千至三千餘圓不等受業者每年每位送束修銀一二百圓不等每館之徒二三百不定通融牽算不過百四五十人分析言之聖文大學館國內約三四十所每所師四五位受業者約七八十人又醫治大學館約三四十所每所爲師者約七位其徒數十人習

律例之館師徒多寡亦與醫館大同小異

新國器械與中華異不但船隻之桅帆槳櫓卽築屋建樓鋪設各物亦然兵器亦不同火炮能用彈子數十斤手鎗之口則有小劍但無弓箭長矛籐牌而已惟是新國創造不久各藝未甚精巧惟國人皆好音樂歌唱故有吹彈敲戛各器童蒙卽有樂師教之又有畫地理山水人物花卉鳥獸之畫工最爲世所尙次則雕刻之工又其次則建華屋築高橋等工或有能出巧計作新樣之物則地方官獎勵之如火輪船及以水火織布之類

新國立仁會以濟在監之犯昔監內弊端甚衆由監出之犯爲惡甚於前由是會中遂改各監之規模分布二十六部監內分善惡兩途善者居廣大之所惡者居淺狹之所俱不能相見前收監者無事業今則一日不能閒並有善書於禮拜日使誦故今之犯法收監者出監後卽痛改前非且前此監中所費極多今犯人作工營生故每年除支外反有餘貲

見十章七章

又聾盲啞者原屬無

用今國內立仁會設館訓習如聾啞者亦以手調音而教之盲者卽有凸字書使他以手揣摩而讀至幼失怙

恃者亦有育嬰之院若醉酒亂性難以強禁乃設一節飲會館內藏一簿登戒飲者姓名願戒不願戒各從其便既進戒館後則不能再犯其計各部此館約有四五千間其登戒酒簿者約二百萬人其造酒之舖變爲他項貿易者約四五千間將酒舖賣人別尋生理者亦約七八千間故酒費日少戒飲之人日多又城中設醫生七十五人訪察酒之損益今則皆知其無益而有損故戒而不飲者大半矣至水手輩多是貧乏之人故會內亦濟之並及其妻兒也凡無力延師訓習者亦設院延

師以訓之國人於禮拜日皆不作工故設一會所逢禮拜日教人內藏書極多如不在者亦可借回家自習至禮拜日復送回又不至學館誦習者亦延師至家而教亦有刊刷小書分贈令人學善者亦有一院專刊聖書出售如無力買者亦可贈之別有一會名曰勸和會如兩人相爭或鄰省相鬪兩國不和者勸之每會中所用多者每年不過二十萬少者不下數百圓

開闢之始未有人類上帝既造一人爲萬物之主又立一女子以配之夫婦之禮自此始歷代相傳無異但無

立妾及少年預聘之例年十五以上者訪求淑女但非親誼則踵府謁其父兄結好往來三五載彼此賢愚皆已知之或面訂佳期或各告父母並無奠鴈迓輪及聘定之禮娶之日男女升堂攜手有一官或族正等書二人名蓋之以鈐記印信其後報丁冊內列夫婦姓名自後必終身偕老國中二十六部無君臣之名惟有上下之分國領部領府領縣領之不同各首領起居飲食衣服亦無異平民但事權屬之人人皆敬之而已其兄弟父子朋友三倫與中國畧同

新國衣服之制帽高至七八寸不等或以黑絨灰色絨爲之其矮者或圓或六角八角帽前有皮簷一片以遮日光常有帽帶繫之冬寒則以法蘭仁毡爲內衣短小無領外加一汗衫四圍纏身不甚寬大其領高出至頸下有一頸巾繫之其外蓋一背心前夾後單高至頸膊下則用法蘭仁毡爲短小之褲外則蓋大褲汗衫在裏前後有兩鈕扣以十字交加帶過膊弔扣後蓋一長衫四圍纏身光滑無紋袖長至掌領包至枕後前長如背心後長至臀以羊毛氈爲襪長不過膝鞋以牛皮爲之

底面皆然但底厚不過五層薄則一層面亦有帶繫之靴亦長不過膝底厚者多上下皆用牛皮穿時以大襪脚蓋之所有衣服鈕扣皆開在正面無左右開也飲食則每日三餐早膳或飯或麵及肉亦有牛奶雞蛋牛油

茶架非

架非者將青荳炒焦研末水煎或白滾水沖隔查

自七點鐘至十點各

隨其便惟不多食名曰早餐至一點鐘及五點後所食則雞豚魚鴨牛羊多用燔爇自割而食並有生菓糖菓牛奶雞蛋等物或茶或酒合家同一檯檯面用布鋪蓋後置各物其上男女各一便每人以一碟盛物不用箸

惟用刀叉調羹等隨人暢飽故各大餐晚上六點鐘至九點不等所食者與早餐同此日用飲食之常規也至於出外則車馬或一車一馬至四馬不等每年月中並無節氣每日亦無吉凶惟七日一禮拜而已餘與中國無異喪事始死則有一人爲之沐浴止穿一汗衫斂手合掌置棺內逾三五日葬焉山地內或以石以鐵以錫圍之然後放棺親朋送葬素服不用白而用黑墳之上下皆有石碑碑上錄亡者之生辰死忌又圍石欄杆以防牛羊踐踏

原志序曰予生於美理哥合省國之馬沙諸此部中以地球格之則與中華上下相

對焉可謂一天一淵也今年三十有七竟得渡海繞地而及中華歷見英吉利法蘭西荷蘭西班牙亞利未加暹羅日本中華等國之士與各國之文藝豈不奇哉而憶少年在本國舍農業儒登大學之堂者三年始進會城書院而肄業於各國古今文史地理天文律例規條四時土產悉欲傳覽研求以應每歲掌院臨場彙考每得踰等在內四年文憑給領由是出而進於大院習古聖經文亦幸上等三年別換文憑時年二十有八家無內顧遂欲遊覽異鄉之風俗兼以予國所見聞傳播異土幸於葛雷巴新埠麻六甲新嘉坡得選唐人領畧華書七八載歎華人不好遠遊致我西國之光采規模杳無聞見竟不知海外更有九洲或者上帝之啟予心乎將使宣而播之聯四海爲一家也不揣固陋創爲漢字地球圖及美理哥全省國全圖又以事迹風俗分類各書百年而後流入中土或有不耻下觀者其將擊節歎喜乎抑拉雜摧燒之乎雖然馳觀域外之士必不方隅自封而笑我已道光十八年歲次戊戌孟夏高理文題於新嘉坡之堅夏書院

彌利堅國即育奈士迭國總記下

原本

案粵人咸稱曰彌利堅國又曰花旗國其實彌利堅即墨利加又作美理哥乃洲名非國名也西洋稱部落曰士迭而彌利堅無國王止設二十六部頭目別公舉一大頭目總理之故名其國育奈士迭國猶華言總理部落也夷圖及貿易通志譯曰兼攝邦國亦以其無國王之故則育奈士迭亦非地名故仍以彌利堅稱之

育奈士迭國在北阿墨刺加洲中為最鉅之區其地自

古不通各洲土曠人稀皆因底阿生番游獵其闕耶穌紀歲千二百九十二年宋祥興十五年呂宋之戈攬麻士乘船

西駛始知此地創立佛羅里達部落開墾興築將二百年闢地未廣千五百八十四年明萬曆十二年英吉利女王依

里薩栢時有英吉利人往彌利堅海岸開墾大呂宋人拒戰英吉利人敗走英國女王依里薩栢遂遣勇將精

兵往墾其地無人敢阻遂名其地曰洼治尼阿續遣二臣協創部落復墾羅阿录之地英國占士王遂設甘巴

尼二員分治之一曰蘭頓甘巴尼一曰勃列茂甘巴尼

又於所屬各部落增設岡色爾之官而總轄於蘭頓之

岡色爾又遣三巨舶每舶載百有五人瀕河建築部落

卽以國王之名名之曰占士部落千六百有七年明萬曆三

十五年英人與土人爭鬥英之首領士彌爲土目包哈但

所擒自後英人不敢橫行惟與土人互相媾媼生齒日

熾千六百二十一年明天啓元年英國設總領于洼治尼阿

是年嚴禁波羅特士頓教斯教逃出百人由荷蘭駕舟

至彌利堅開墾創建城邑曰紐英蘭千六百二十八年

明崇禎元年復得沙廉之地卽今馬沙朱碩士部落自設總

領自立律例于六百三十二年明崇禎五年 覓出紐含社于

六百三十五年明崇禎八年 覓出勃羅威電次年開出衰弱

底格干六百三十八年明崇禎十一年 復開出紐含汾并歷年

在海岸所墾之緬地均建築城邑設官治理尙有歐羅

巴人續墾洲內各地于六百四十二年明崇禎十五年 英國女

王馬里阿勅加特力教之律官來治此地亦以國王之

名名之其地曰馬里蘭于六百六十三年康熙二年 英國查

爾士王合數臣往墾彌利堅南隅即今之戈羅里那亦

以國王之名名之其首部落曰查爾士頓後又擴地開

疆遂分爲南戈羅里北戈羅里明年英國復奪取荷蘭

與綏林所墾之紐育紐惹西若地拉洼三部落至是千

六百八十年康熙九年 英吉利水師官威廉邊者復開密

西爾洼尼阿部落于七百三十二年雍正十年 英人復墾若

治阿之地竭心力歷艱險至于七百五十二年乾隆七年

始成部落無異於戈羅里計英吉利占士王至查爾士

王二代所得阿彌利堅洲內之部落十有六區悉將因

底阿士番驅之遐陬于七百五十六年至六十三年乾隆

二十一年至二十八年 復興兵奪據佛蘭西國所墾之加那達佛

羅里達兩大部落除墨西哥一國外凡歐羅巴人所墾

阿彌利堅洲部落歸英國者十有八區盛極生驕強徵

稅餉部眾額免不聽千七百七十六年乾隆四十年士眾憤

怒次年遂約佛蘭西大呂宋荷蘭諸仇國助兵恢復爰

議以戈攬彌阿之洼申頓為首區總統兵馬稱為育奈

士迭國與英國血戰七年客十敵主大破英軍國勢遂

定千七百八十三年乾隆四十八年即有附近彌斯栖比各部

落前來歸之千七百九十二年乾隆五十七年有根特機部落

率眾附之于七百九十六年嘉慶元年地尼西部眾咸背英

吉利而附之洼門部落在阿希阿地開墾歷十四年之

久始成部落於千八百有二年嘉慶七年即來歸之因底阿

那伊里內斯西隅之阿那麻馬同彌斯西北極南近海

之佛羅里達緬地馬沙朱碩斯以及彌斯西北東邊各

部落米梭里諸部落於千八百十六年至二十年嘉慶二十

一年至二十五年道光十五年先後歸之千八百三十六年

斯米治顏同時附之此外尚有彌斯栖北西隅之雷栖

阿那一部落亦以價贖諸佛蘭西而歸育奈士迭管轄

統計設立育奈士迭以後凡六十年創建大部落二十

有七稱大國與英吉利為勅敵

政事自千七百八十九年乾隆五十四年議立育奈士迭國以

戈攬彌阿之注申頓為首區因無國王遂設勃列西領

一人綜理全國兵刑賦稅官吏黜陟然軍國重事關係

外邦和戰者必與西業會議而後行設所見不同則三

占從二升調文武大吏更定律例必詢謀僉同定例勃

列西領以四年為一任期滿更代如綜理允協通國悅

服亦有再留一任者總無世襲終身之事至公舉之例

先由各部落人民公舉曰依力多經各部落官府詳定

送衮額里士衙門核定人數與西業之西那多里勃里

先特底甫官額相若各自保舉一人暗書彌封存貯公

所俟齊發閱以推薦最多者為入選如有官舉無民舉

有民舉無官舉彼此爭執即由里勃里先特底甫於眾

人所舉中揀選推薦最多者三人仍由各依力多就三

擇一膺斯重任其所舉之人首重生于育奈士迭國中

尤必居住首區歷十四年之久而年逾三十五歲方為

合例否則亦不入選

設立副勃列西領一人即衮額里士衙門西業之首領

若勃列西領遇有事故或因事出國即以副勃列西領暫理其保舉如前例

設立衮額里士衙門一所司國中法令之事分列二等

一曰西業一曰里勃里先好司

好司二字猶衙門也

在西業執事者曰西那多每部落公舉二人承充六年更代所舉之人必居首區九年而年至三十歲者方為合例專司法律審判詞訟如遇軍國重事其權固操之勃列西領亦必由西那多議允施行常坐治事者額二十人曰士丹吝甘密底無額數者曰甘密

底皆西那多公同拈鬮以六月八月為一任期滿復拈鬮易之

在里勃里先好司執事者曰特底甫由各部落核計四萬七千七百人中公舉一人承充二年更易所舉之人須居首區七年並年至二十五歲者方合例以現在人數計之特底甫約二百四十二人立士碧加

一人

士碧加頭目也

總司其事凡國中徵收錢糧稅餉均由

特底甫稽核官府詞訟則特底甫亦可判斷常坐治事之士丹吝甘密底每年於三月初四日由士碧加

于各特底甫中棟派二十九人以六人專司會議其餘或理外國事宜或設計謀或理貿易或理工作或理耕種或理武事或理水師或理公衆田地或理案件或理驛站或理因底阿人事件各司其事以一年期滿再由士碧加選代

每歲十二月內第一禮拜日則滾額里士衙門之西那多里勃里先衙門之特底甫齊集會議或加減賦稅或國用不足商議貸諸他國貨諸本國或議貿易如何與旺鑄銀輕重大小或議海上盜賊如何懲治

或國中重獄有無冤抑或蒐閱士卒增益兵額或釋回俘虜或嚴立法律懲服凶頑或他國窺伺如何防禦一一定議至歲中遇有倉猝事宜隨時應變又不在此例

其專司訟獄衙門在注申頓者一曰蘇勃林在各部落者曰薩吉凡七曰底士特力凡三十有三各以本國法律判斷

蘇勃林衙門一所專司審訊額設正官一員副官六員每一人分轄一薩吉凡國內大官之訟或案中有

海國圖志卷三十八外洋
牽涉大官之訟或本屬薩吉所轄部落與別薩吉所轄部落不睦爭執之訟均歸其審斷

薩吉衙門七所每薩吉轄底士特力四五屬不等凡屬下部落之獄有罰贖銀百員以上者或所犯之事例應監禁六月者俱歸薩吉審判

底士特力衙門三十有三所每底士特力轄部落多寡不等凡屬下部落有犯輕罪與在洋不法者俱歸底士特力審斷按其情節輕重擬議罪名間有不能結案者送薩吉審斷或與薩吉會訊

每部落設底士特力阿多尼一員麻沙爾一員底士特力阿多尼專司緝捕理所屬官民訟獄麻沙爾會同薩吉底士特力等衙門審判部內之事國中于袞額里士之外又設立士迭西格里達里一人仁尼臘仁尼臘爾二人在國中治事以士迭西格里達里爲首若行軍則以兩仁尼臘爾爲首俱聽勃列西領調遣又三人會合副勃列西領爲加彌業掌國中印信法律章程官府文檄及他國來往文書照票兼理巴鼎荷非土存貯文案凡加彌業總理鄰國相交之事內分五等曰勃羅麻的

模里敖曰袞蕪拉模里敖曰龕模里敖曰阿支付士曰
巴鼎荷非士各執其事

其賦稅設立西格里達里荷非士袞多羅拉二人敖底
多五人里尼士達特列沙那疏里西多等官專司征收
支發歲報其數於袞額里士衙門以候稽核其武事額
設里貴西循模里敖官芒地蘭模里敖官兵餉官管理
因底阿土人事務官督理火器官繪圖丈量地畝官其
總兵曰仁尼臘爾因智甫官統轄官兵分東西二路東
路總兵統轄緬地紐舍社馬沙朱碩斯注門袞特底格

律愛倫紐育紐惹西地那注馬里蘭注治尼阿南戈羅
里北戈羅里佛羅里達賓西爾注尼阿若治阿根廷機
地尼栖阿希阿彌治顏等二十部之兵西路總兵統轄
阿拉麻馬彌斯西比雷西阿那阿干薩士因地阿那伊
里內士彌梭里威士袞申達多里等十一部之兵國中
節嗇養兵甚少設馬約仁尼那爾官一員墨里牙底阿
士仁尼那爾官三員戈羅尼爾官十九員副戈羅尼爾
官十五員馬約官二十八員急頓官百有四十員領馬
兵兩隊炮兵四隊步兵七隊以及製造火器兵器繪圖

工匠統計僅戰兵七千有六百名每年支發兵餉銀九十八萬八千三百十七員津貼兵丁銀四十九萬五千五百員每兵歲餉銀將二百員兵少餉厚故訓練精強又製造軍裝器械銀三十三萬員存貯軍器庫銀二十三萬一千五百員瓜達麻士達底八門銀三十三萬二千員國中防守地方汛兵銀一百三十萬員各處防守炮臺兵銀二十萬員此守兵在戰兵之外共計戰守兵餉及修理器械共需銀三百八十七萬七千三百一十七員

千七百九十八年

嘉慶三年

設立管理水師書記衙門千八

百十五年

嘉慶二十年

始立管領水師官兵船不甚多而與

英吉利交戰三年地險心齊水戰練習其名遂著原設大兵船十五隻中兵船二十五隻小兵船三十三隻火煙輪兵船一隻近年因船不敷用增修兵船復設船廠七雕刻廠二所歷年支發水師銀二百三十一萬八千員修船廠銀七十九萬八千一百二十五員水上費用銀四十三萬八千七百四十九員巡查南極費用銀三十

萬員共需銀五百九十萬有奇

波斯麻達仁尼臘爾衙門掌理國中水陸郵程遞報之事計遞報道路約十一萬二千七百七十四里每年往來路程約二千五百八十六萬九千四百八十六里各處信驛計萬有七百七十所歷年往來驛費銀二百七十五萬七千三百五十員歷年約收信價銀二百九十九萬三千五百五十六員綜計出入有盈無絀

國中原在非臘特爾非阿設鑄金銀局一所千八百三

十五年

道光十五年

復在紐哈蘭北戈羅里若治阿三部落

各增設一所派官監鑄其爐竈器具機竅皆以火煙激動不煩人力計每年傾鑄金錢值銀二百十八萬六千一百七十五員銀錢三百四十四萬四千零三員銅錢值銀三萬九千四百八十九員統值銀五百六十七萬員

各部落自立小總領一人管理部落之事每部落一議事公所其官亦分二等一曰西業一曰里勃里先特底甫卽由本部落各擇一人自理其本部之事小事各設條例因地制宜大事則必遵國中律例如增減稅餉招

集兵馬建造戰船開設鑄局與他部落尋衅立約等事均不得擅專所舉執事之人數月一更代如分管武事設立章程給發牌照開設銀店貿易工作教門賑濟貧窮以及設立天文館地理館博物館義學館修整道路橋梁疏濬河道皆官司其事其法律大都宗歐羅巴之律刪改而成征收錢糧稅餉通酌國中經費出入公議定額不得多取

國中錢糧稅餉雖多惟創業開國軍旅時興入不敷出遂致虧欠民項為數不貲千七百八十三年

乾隆四十八年欠

項僅四千二百萬員千七百九十三年即多至八千有三十五萬二千員官府歷年籌補止餘四千五百萬員千八百一十三年

嘉慶十八年

因與英吉利交兵三年即欠

至萬二千七百三十三萬四千九百三十三員迨至千八百一十六年

嘉慶二十一年

兵戈寢定二十年來統計所還

子母共二萬一千二百萬員當開國之初輕稅薄斂原可足用自與英國攻戰供億浩繁及向佛蘭西贖回雷西阿那佛羅里達兩部落所費亦不輕於千七百九十八年

嘉慶三年

及千八百一十三四五年始加征戶口田

地房產奴僕等項錢糧每年或加一百七十五萬或二百萬或三百萬多少不等千八百十六年

嘉慶二十一年停止

加征惟征收入口貨物稅餉視貿易之盛衰為多寡按

千八百十六年所征稅餉多至三千六百三十萬有奇

自此以後十年即僅收千三百萬以至二千萬員不等

千八百二十五年至千八百三十四年

道光五年至道光十四年自

二千萬至三千萬員不等近年日見減少此外尚有出

賣官地一項其田地散在各部落即先日價買佛蘭西

及因底阿土人田地逐一丈量畫分當隰

當隰村庄也

每當

隰計三十六色循每色循計六十四埃加

埃加一畝也

除留

出學校道路河道基址千六百有四萬零二千四埃加

外餘俱由勃列西領出示招買初定每埃加價值二員

先交半價餘半期年交訖嗣因欠價不繳者二千二百

萬員旋議減價每埃加定價一員零先士二十五枚不

得賒欠自後每年賣出田土價值少則百餘萬員多則

六百萬員有奇在千八百三十五年

道光十五年

所得賣價

多至千二百萬員截至是年為止計阿希阿丈出出土

千四百七十萬零三千一百六十三埃加已賣者千有

六十萬二千六百七十一埃加得田價千有九百四十八萬九千九百三十二員因底阿那丈出田土千有八百九十九萬零四百四十七埃加已賣者八百三十九萬零八百三十九埃加得田價千八十一萬零一百七十二員依里內士丈出田土二千一百五十七萬四千四百五十九埃加已賣者四百三十四萬零四百八十一埃加得田價五百五十五萬五千四百八十七員阿那麻馬丈出田土二千九百九十一萬五千零八十八埃加已賣者七百三十二萬九千零三十埃加得田價

一千三百零萬七千一百一十五員彌斯西比丈出田土千有七百五十二萬五千八百二十埃加已賣者五千六百萬零一千五百一十七埃加得田價七百八十二萬二千九百八十七員雷西阿那丈出田土六百四十五萬零九百四十二埃加已賣者七十六萬七千四百一十五埃加得田價百有十六萬二千五百九十一員彌治顏湖東丈出田土千有二百二十一萬一千五百一十九埃加已賣者三百二十萬零七千八百二十二埃加得田價四百零七萬二千三百九十四員彌治

顏湖西丈出田土四百六十七萬四千六百九十一埃
加已賣者十四萬九千七百五十五埃加得田價二十
一萬五千一百八十九員阿干薩士丈出田土千有三
百八十九萬一千五百三十八埃加已賣者六十六萬
八千三百六十二埃加得田價八十六萬一千八百一
十六員佛羅里達丈出田土六百八十六萬七千一百
三十埃加已賣者四十九萬二千九百零九埃加得田
價六十五萬七千零九十二員統計已賣田土四千五
百四十九萬九千六百二十一埃加未賣者萬有二千

一百三十九萬七千四百六十三埃加別有曠野荒郊
田土七萬七千百埃加已丈過萬有二千二百三十萬
埃加計賣出田價共六千七百八十二萬零八十五員
除辦理因底阿土人事務需銀千有七百五十四萬一
千五百六十員買雷西阿那部落需銀二千三百五十
二萬九千三百五十三員羅佛羅里達部落需銀六百
四十八萬九千七百六十九員遷若治阿部落銀一百
二十五萬員贖彌斯西比部落銀店需銀一百八十三
萬二千三百七十五員地方官需銀三百三十六萬七

千九百五十一員丈量地畝需銀七十八萬六千六百一十七員總共需銀五千八百四十三萬八千八百二十四員綜計出入有盈無絀

彌利堅國歷年出納款項自千七百九十一年乾隆五十六年

開國起至于八百三十二年道光十二年征收稅餉銀五萬

九千四百九十萬零九千零六十七員田土賦稅銀二千二百二十三萬五千二百六十員人丁錢糧千二百七十三萬六千八百八十八員遞寄郵信銀百有九萬一千二百二十三員公衆田土價銀四千零六十二萬

七千二百五十員債銀及庫中所出銀單等項銀萬有五千六百一十八萬一千五百七十八員銀店股分利息及出銀店股分銀千有一百零五萬二百五百零六員雜項銀六百四十二萬八千八百九十二員

歷年支銀文事需銀三千七百一十五萬八千零四十七員鄰國往來相交事件需銀二千四百十四萬三千五百八十二員雜款需銀三千二百十九萬四千七百零三員修整炮臺銀萬有九千零五十三萬八千六百四十三員歷次兵餉需銀千有七百二十九萬八千二

百八十二員別款兵餉需銀六百七十一萬零三百零七員辦理因底阿土人事件需銀千有三百四十一萬三千一百八十八員設立水師兵船等項需銀萬有一千二百七十萬零三千九百三十三員歸還軍需借項本利銀四千八百九萬員統計征收銀八萬四千五百二十六萬二千六百六十八員除支發銀八萬四千二百二十五萬零八百九十員仍存貯國庫銀三面零一萬一千七百七十八員

千八百三十三年

道光十三年

所征各款錢糧稅餉除支發

兵丁銀二百四十三萬五千四百零三員行營口糧銀三百五十萬零七千四百八十四員修造軍器修補武備庫共銀五十三萬零九百五十一員修建砲臺銀九十六萬一千四百八十員修築堤工銀四十三萬五千七百六十一員濬河銀二十四萬員建築習武館銀十一萬七千一百六十六員辦理因底阿土人事件銀百有九十一萬二千五百八十一員水師兵船等項銀三百九十萬一千三百五十六員還虧欠銀百有五十四萬三千五百四十三員修道路橋梁銀六十五萬五千

四百八十六員立法各官公費銀四十六萬九千零七十四員各路辦事公費銀六十五萬八千六百零八員審訊衙門支發三十三萬八千七百五十八員脩造路燈銀三十一萬三千九百零三十員修造稅館棧房銀二十五萬零四百一十五員丈量海岸銀萬八千三百一十三員淮治尼阿疏濬運河銀二十八萬九千五百七十六員與他國交往貿易事務銀九十五萬五千三百九十六員共計千有九百五十三萬五千六百八十一員尚有盈餘銀八百六十九萬一千一百員連歷年

盈餘貯庫共銀千有百七十萬零二千九百零五員

千八百三十四年

道光十四年

征收稅餉銀千有六百二十

一萬四千九百五十七員地租銀四百八十五萬七千

六百員銀店息銀二十三萬四千三百四十員出賣銀

店銀三十五萬二千三百員雜稅銀十三萬二千七百

二十八員支發文事雜項銀八百四十萬零四千七百

二十九員武事需銀三百九十五萬六千二百六十員

還國家虧欠銀六百一十七萬六千二百六十員共計

征收銀二千一百七十九萬一千九百八十二員核計

本年虧欠銀二百八十一萬零四十七員在於盈餘庫
項支銷外尚有餘銀八百八十九萬二千八百五十八
員存貯國庫

千八百三十五年

道光十五年

征收各款錢糧稅餉銀千有

八百四十三萬零八百八十一員除支發各項銀千有
九百二十七萬六千一百四十一員盈餘銀九百一十
五萬四千七百四十員共歷年盈餘貯庫銀千有八百
四萬七千五百九十八員

疆域東界阿蘭底海西界卑西溢海墨西果國南界墨

西果國之墨西根海北界英吉利俄羅斯所屬地幅員
二百三十萬方里以周圍邊界程途計之徑一萬里內
濱海岸者三千六百里濱湖岸者一千二百里自卑西
溢海至阿蘭底海東西距二千五百里除國中各部落
之外西隅尚有地百三十萬方里未盡開闢地勢內遼
闊外險阻故雖英吉利兵亦不能再窺伺

山陵最著者在洼申頓有阿巴臘止菴山又名阿里牙
尼山高峯僅二百四十丈而迤長袤延通數部落之遠
在北哥羅里有墨力山其最高峯亦不過五百一十四

丈有奇在國之西隅有落機山峯高九百六十丈此外山多未能悉載

川澤分歧難以悉數其最長者曰彌梭里河自落機大山發源至雷西阿那出海長四千五百里其次彌斯西比河自威士裘申部落發源至雷西阿那出海長三千有百六十里兩河往來舟楫最盛此外蘇比厘阿湖休倫湖安達里阿湖均處邊界惟彌治顏湖居于腹地南北距三百六十里東西距八十里水深七十二丈有彌支里墨機納港可通休倫湖

國中地廣人希以近年生聚計之自開國迄今僅數百載蕃庶數倍在千七百九十年

乾隆五十五年開戶僅三百九

十二萬九千八百二十七口及千八百三十年

道光十年計

白男五百三十五萬三千零九十二人九十歲以上至百歲者二千有四十一人百歲以上三百有一人白女五百十六萬八千五百三十二人九十歲以上至百歲者二千五百二十三人百歲以上者二百三十八人黑男十五萬三千一百八十四人百歲以上者二百六十九人黑女十六萬五千七百六十八人百歲以上者三百

八十六人奴僕百有萬二千零七十五人百歲以上者
七百四十八人奴婢九十九萬五千五百四十四人百
歲以上者六百七十六人白瞎人三千九百七十四名
黑瞎人千四百七十八人白聾啞人五千三百六十三名
黑聾啞人七百四十三名統共千有二百八十六萬六
千九百十九人卽丁口之衍蕃徵國勢之熾盛果能永
遠僂力同心益富且庶雖歐羅巴強盛各邦未之或先
國人多由外域遷至如居賓西爾注尼阿者皆由耶麻
尼言語近始更變居雷西阿那梭里依里內士彌治顏

等處者皆佛蘭西國之人居阿希阿因第阿那者皆瑞
國與耶麻尼之人尼紐育者皆荷蘭國人種類各別品
性自殊因地制宜教隨人便故能聯合衆志自成一國
且各處其鄉氣類尤易親睦也傳聞大呂宋開墾南彌
利堅之初野則荒蕪彌望無人山則深林莫知礦處攘
則啟辟始破天荒數百年來育奈士迭遽成富強之國
足見國家之勃起全由部民之勤奮故雖不立國王僅
設總領而國政操之輿論所言必施行有害必上聞事
簡政速令行禁止與贊辟所治無異此又變封建郡縣

官家之局而自成世界者

國中黑人居六分之一其中亦有似黑非黑似白非白者種已夾雜難變涇渭各部落中不准黑人預政事有數部落准其一體公舉其律例內載賓西爾洼尼阿紐育部落之人皆得自主惟黑奴子孫分屬下等凡事不得擅專至千七百九十八年嘉慶三年禁止買賣奴僕卽逃走亦不准收回嗣西北之洼治尼阿彌斯西比各部亦禁攜奴僕進口自此興販少息惟南隅產棉之部落尙有使用奴僕者凡奴僕之例重罪始經官治小過家主

自治不得私置產業學習文字往廟拜神必須白人帶引若因底阿之待僕人則又不然遇禮拜日每奴散穀十八棒至二十四棒薯六十四棒並酌給魚肉冬夏布衣下及奴之子女又每二年人給洋毡幼小者二人其得一毡疾病設有醫藥過其境見其僕皆工作不輟嘯歌自得如逢禮拜概停力作其工役三日一派能并日完畢者所餘之日或得自作己業遊戲無禁其恩卹奴僕爲諸部所未有

風俗教門各從所好大抵波羅特士頓居多設有濟貧

館育孤館醫館瘋顛館等類又各設義學館以教文學地理算法除普魯社一國外恐無似其文教者有官地畝以供經費復有國人捐貲津貼千八百三十四年道光十四年在紐育所屬各小部義館讀書者共五十四萬有千餘人歲支修脯七十三萬二千員如紐惹西賓西爾洼尼阿阿希阿馬里蘭洼治尼阿南戈羅里鼎尼西根特機等處部落亦皆捐設學館造就人材又設授醫館二十三所法律館九所經典館三十七所教人行醫通曉律法博覽經典通各國音語近計非臘特爾非阿藏

書四萬二千卷甘墨力治藏書四萬卷摩士頓藏書三萬卷紐育藏書二萬二千卷亥額里士署內藏書二萬卷邇來又增學習智識考察地理之館重刊歐羅巴書籍人材輩出往往奇異

技藝工作最精造火輪船即紡織棉布製造呢羽器具均用火煙激機運動不資人力他國雖有皆不能及寫繪丹青亦多精巧如急里委士士都窋紐頓阿爾士頓里士里諸人皆以妙手各

地膏腴豐物產千八百三十四年道光十四年海產之乾魚

醃魚魚油鰵魚骨等物約值銀二百有七萬零千四百九十三員山產毛皮洋參木板船桅木樹皮木料松香等物約值銀四百四十五萬七千九百七十七員田地家宅所出之牛羊馬猪麥麵乾餅薯穀米粗麥蘋菓烟葉棉花荳糖洋靛等類約值銀六千七百三十八萬零七百八十七員工作所造香靛蠟燭皮鞋洋蠟酒鼻煙捲葉烟鉛錫器繩索桅欖鐵器火藥糖銅器藥材布疋棉紗夏布枱雨傘牛皮屨皮馬車馬鞍水車樂器書籍圖畫油漆紙札筆墨缸瓦玻璃洋鐵石板金器銀器金葉金錢銀錢木箱磚灰鹽等類約值銀六百六十四萬八千三百九十三員

國中進口貨物茶葉架非豆紅糖椰子杏仁乾菩提子無苾菓胡椒香料桂皮荳蔻米酒冰糖燈油絲髮疋頭金線等類其各國所出棉布夏布皮毛染料顏色銅鐵金銀器皿紙札書籍販運進口者交易之大以英吉利為最次佛蘭西再次即彌利堅及海南之姑麻烏彌利堅西南之墨西果國若中國又其次也此外通商之國如俄羅斯普魯社綏林領墨彌爾尼壬荷蘭大呂宋依達里耶麻尼

散迭里紐方蘭

在彌利堅東北屬英國所轄之一大海島

黑底

在彌利堅之南屬佛蘭西

所轄之大海島

小呂宋 葡萄亞 阿非里加洲 各海島 都魯 機果

攬彌阿墨臘西爾芝利庇魯等處其餘小國來貿易者

不計其數以千八百三十四年

道光十四年

計之英吉利進

彌利堅口岸貨物約值四千五百五十六萬六千有奇

出口貨物約值四千一百六十四萬八千四百二十員

中國茶葉進口者約計六百二十一萬三千八百三十

五員在國內銷流者居六分之一此外尚有絲髮等項

百六十七萬八千四百九十二員共計值銀七百八十

九萬二千三百二十七員由本國出口運赴中國貨物

計值銀不過百萬零四百八十三員其餘各國進口貨

物多寡不一統計貨值萬四千九百八十九萬五千七

百四十二員千八百三十五年

道光十五年

各國進口貨物

共計銀萬二千六百五十二萬一千三百三十二員出

口運往各國貨物共計銀萬有四百三十三萬九千九

百七十三員千八百三十五年

道光十五年

通國銀鋪五百

有三家費本大小不等其最鉅者三千有五十萬九千

四百五十員小者亦有十餘萬員統計銀鋪費本共萬

有八千一百八十二萬九千二百八十九員

國中運河長三千五百里疏濬二十年始竣其不通河道者卽用火烟車陸運貨物一點鐘可行二三十里其車路皆穿鑿山嶺砌成坦途迄今尙未完竣如值天寒河凍亦用火烟車駛行冰面雖不及舟楫而究省人力因底阿土人種類蕃多屢因爭戰被戮大半惟彌斯西比之東西因底阿土人八萬西有因底阿土人十八萬餘俱散處各部中間自成村落下窟上巢有同鳥獸疾則何師巫歌跳刺血誦咒間用草木作藥餌信鬼好鬥

行陣則佩符咒獷者食人尤嗜犬肉其頭目服牛皮飾以羽毛頸懸熊爪履白皮握羽扇受傷則頭插紅漆木籤九技以彰勞績散處各部不受約束近漸導以教化招徠其黨給以房屋耕織器具并設岡色爾官治之各立界限不得踰越創書館廟宇歲提庫銀萬員公捐銀四萬員延師教課千八百三十五年

道光十五年

在館肄業

之童蒙已千五百矣彌斯西比彌梭里平地中多有高

隴形似圍墻高自數忽以至三四十忽不等

每忽八寸寬二

三十埃加

埃加畝也

內多土堆參差不一粗沙亂石或方或

員或作數角諸史並無紀載有謂因底阿人所造之墳
瑩第土蠻何解造作或謂洪水泛濫波浪激成者近是

